

四庫全書

經部

欽定四庫全書

九經古義卷八

長洲惠棟撰

周禮古義

夏官司燿說文曰燿取火於日官名舉火曰燿周禮曰  
司燿掌行火之政令从火翟聲或作烜从亘案司燿  
注讀如予若觀火之觀古喚反秋官司烜氏音燬讀如衛  
侯燬之燬鄭氏兩讀許君合而一之蓋本賈侍中之  
說高誘曰燿讀如權字漢郊祀志云通權火

羅氏云中春羅春鳥注云春鳥蟄而始出者若今南郡黃雀之屬郭義恭廣志云黃雀脂肥絕美江夏竟陵

常給獻大官

御覽

司右注司馬法曰弓矢圍戈矛守戈戟助凡五兵長以衛短短以救長案今司馬法曰右兵弓矢禦戈矛守戈戟助凡五兵五當長以衛短短以救長賈公彥曰弓矢圍者圍城時也愚謂圍當作圉古禦字作圉管子墨子書皆然鄭注作圉傳寫之誤今司馬法為禦

字从俗作也

方相氏掌蒙熊皮注云冒熊皮者以驚毆疫癘之鬼如  
今魍魎也應劭風俗通曰俗說亡人冤氣游揚故作  
魍魎以存之言頭魍魎然盛大也或為魍魎為觸癘  
殊方語也

飾覽

說文云今逐疫有顛頭

大僕建路鼓于大寢之門外以待達窮者與遽令注  
云鄭司農云窮謂窮冤失職則來擊此鼓若今時上  
變事擊鼓矣遽傳也若今時驛馬軍書當急聞者亦



擊此鼓玄謂遽令郵驛上下程品棟案漢廢律有上

變事及驚事告急

漢廢律親改為郵驛令

漢書梅福傳云數因

縣道上言變事求假軺傳詣行在所條對急政輒報罷  
師古曰變謂非常之事踪布傳賁赫上變事乘傳詣  
長安

職方氏樊毅脩華嶽碑云周禮識方氏歐陽永叔云識  
字字畫分明非訛闕疑當時周禮之學自如此棟案  
周禮多古字如職字作職職字作識識字作志漢時

已不能盡攷况後世乎

秋官司圜注鄭司農云圜謂園土也園土謂獄城也今獄城圜春秋元命苞曰為獄圜者象斗運宋均注云作獄圜者象斗運也

初學記

冥氏注鄭司農云冥讀為冥氏春秋之冥王伯厚云漢泰山冥都傳春秋故云冥氏春秋案夏本紀禹姁姓後有冥氏

雉氏注云書雉或作夷鄭司農云今俗間謂麥下為夷

下言芟夷其麥以其下種禾豆也玄謂難讀如髻小

兒頭之髻

說文云髻髻髮大人曰髻小兒曰髻蓋及身毛曰髻

案甘泉賦云列

新雉於林薄服虔曰新雉香草也雉夷聲相近師

古曰新雉即新夷春秋傳曰五雉為五工正夷民者

也服虔曰雉者夷也夷平也孔穎達云雉聲近夷

雉訓夷夷為平難讀如髻者說文云古文雉从弟篆

文弟夷字相似荀氏易渙六四云匪弟所思今本作

夷

蠲氏注鄭司農云蠲讀為蜮蜮蝦蟇也月令曰蟪蛄鳴  
玄謂蠲即御所食蛙也字从虫國聲蜮乃短狐與案  
說文蜮正字也蠲或字也許氏以為短狐

壺涿氏注云故書涿為獨鄭司農云獨讀為濁其源之  
濁音與涿相近書亦或為濁

大司寇凡庶民之獄訟以邦成弊之注云邦成八成  
也鄭司農云邦成謂若今時決事比也士師職云掌  
士之八成先鄭云行事有八篇若今之決事比則八

成謂邦為邦賊以下八事賈疏以為小宰之八成非也東觀漢記鮑昱傳云時司徒例訟久者至十數年比例輕重非其事類錯雜難知昱奏定決事都目八卷以齊同法令息遏民訟則知漢時決事雖多至三百餘篇其都目以八篇為率故先鄭引以為證

小司寇云凡命夫命婦不躬坐獄訟注云不身坐者必使其屬若子弟也杜預僖廿八年傳注云傳曰王叔之宰與伯與之大夫坐獄于王庭各不身親蓋今長

吏有罪先驗吏卒之義

以八辟麗邦法注云杜子春讀麗為羅玄謂麗附也易  
曰日月麗乎天案麗者離也離猶罹也羅當作罹洪  
範云不罹于咎史記引作離尚書大傳引作麗古字  
並通

議親之辟注鄭司農曰若今時宗室有罪先請是也漢  
書平帝紀元始元年令公列侯嗣子有罪耐以上先  
請續漢書百官志云宗室若有犯法當髡以上先詣

宗正宗正以聞乃報決

議賢之辟注鄭司農云若今時廉吏有罪先請是也宣  
帝黃龍元年詔曰舉廉吏誠欲得其真也吏六百石  
位大夫有罪先請

議能之辟說文曰罷遣有辜也从网能言有賢能而入  
网而貫遣之周禮曰議能之辟

議貴之辟鄭司農云若今時吏墨綬有罪先請是也後  
漢光武紀云建武二年詔曰吏不滿六百石下至墨

綬長相有罪先請蔡邕橋公碑云遷齊相臨淄令賂財賊多罪正受鞠就刑竟以不先請免官

大賓客前王而辟鄭司農云若今時執金吾下至今尉奉引矣續漢書輿服志云乘輿大駕公卿奉引太僕卿大將軍參乘乘輿法駕八卿不在鹵簿中河南尹執金吾雒陽令奉引奉車郎御侍中參乘

士師掌士之八成一曰邦之鄭司農云之讀如酌酒尊中之酌國之者斟之盜取國家密事若今時刺探尚



書事詩正義云為與酌古今字周頌酌左傳作為公  
羊僖八年經云鄭伯乞盟傳云蓋酌之也注云酌挹  
也穀梁作為是為為挹取之義沈約曰寫書謂之刺  
漢制不得刺尚書事是也後漢書楊倫傳尚書奏  
倫探知密事應劭風俗通云司徒韓演伯南為丹陽  
太守坐從兄季朝為南陽太守刺探尚書演法車徵  
蓋漢律有此條故鄭據以為說

訝士云凡四方之有治於士者造焉注云如今郡國亦

時遣主者吏詣廷尉議者棟案此請讞之法當在漢興律篇中胡廣漢官篇解詁曰廷尉當疑獄

北堂書引漢

書景帝紀後元年詔曰獄疑者讞有司有司所不能決移廷尉有令讞而後不當讞者不為失杜周傳云周為廷尉二千石繫者新故相因不減百餘人郡吏大府舉之廷尉一歲至千餘章大者連逮證案數百小者數十人遠者數千里近者數百里會獄注云舉皆也言郡吏大府獄事皆歸廷尉也陳湯傳廷尉增

壽議以為臣下承用失其中故移獄廷尉如淳曰移  
獄廷尉如今讞罪輕重于定國傳定國為廷尉冬月  
治請讞飲酒益精明是漢時疑獄皆讞於廷尉後漢  
襄楷上疏曰頃數十歲以來州郡玩習又欲避請讞  
之煩輒託疾病多死牢獄蓋自安順而後請讞之法  
稍弛矣

朝士凡士之治有期日期內之治聽期外不聽注鄭司  
農云若今時徒論決滿三月不得乞鞠鄧展曰漢律

有故乞鞠司馬貞案晉令云獄結竟呼囚鞠語罪狀

囚若稱枉欲乞鞠者許之

新律序云二歲刑以上除以家人乞鞠之制省所煩

獄也二歲刑謂耐以上此魏世所改

凡民同貨財者令以國法行之犯令者刑罰之注云若  
今時加貴取息坐臧漢書王子侯表云旁光侯殷  
坐取息過律免陵鄉侯訴坐貸穀息過律免息有程  
限過律則坐臧也

司刑注鄭司農云漢孝文帝十三年除月刑疏云所赦

者唯赦墨劓與剕三者其宮刑至隋乃赦也尚書正義曰漢除月刑除墨劓剕耳宮刑猶在至隋開皇之初始除男子宮刑婦人猶閉於宮崔浩漢律序曰文帝除月刑而宮不易張斐律注云以淫亂人族序故不易也棟案漢書鼂錯對策曰除去陰刑張晏曰宮刑也則漢文亦除宮刑矣或後仍復之賈孔之說蓋本崔張

司刺三赦注云若今時律今年未滿八歲八十以上非

手殺人他皆不坐光武紀建武三年詔曰男子八十以上十歲以下及婦人從坐者自非不道詔所名捕

皆不得繫

鄭氏孝經注云手殺人者大辟即漢律所云不道也

司厲其奴男子入于罪隸女子入于舂槲注云鄭司農云今之為奴婢古之罪人也玄謂奴從坐而沒入縣官者男女同名高誘曰漢律坐父兄沒入為奴魏志毛玠傳漢律罪人妻子沒為奴婢黥面說文曰男入罪曰奴女入罪曰婢

初學記引

風俗通曰古制本無奴

婢即犯事者或原之減者被減罪沒入為官奴婢獲者逃亡獲得為奴婢也

初學記引

掌戮殺王之親者辜之注云辜之言枯也謂磔之荀

子正論云斬斷枯磔注云韓子曰采金之禁得而輒

辜磔

內儲說

辜即枯也又莊子有辜人巫咸文云暴虐

不姑姑與枯通易大過之九二云枯楊生茂鄭讀枯

為姑謂無姑山榆是辜枯姑三字古皆通也

壺涿氏注

杜子春云梓讀為枯枯榆木名與鄭注易同

條狼氏掌執鞭以趨辟注云若今卒辟車之為也續漢書志云大使車立乘駕駟從伍百璫弩十二人辟車四人

雍氏掌殺草秋繩而芟之注云含實曰繩釋文曰繩音孕棟謂繩當為臙字之誤也管子五行篇臙婦不銷弃注云臙古孕字大玄馴首曰臙其膏人一月而膏

臙與臙同玉篇云臙或孕字汗簡云古文尚書以臙

為孕

孕讀如繩易漸九三婦孕不育荀爽本孕作乘乘繩聲近故漸九五云鴻漸于陵婦三歲不孕



終莫

之勝

伊耆氏其其杖咸注云咸讀為函古咸與函通毛詩巧  
言曰僭始既涵韓詩作既減減猶涵也司馬相如封  
禪文云上咸五下登三徐廣曰咸一作函漢書天文  
志間可械劍蘇林曰械音函

大行人云諸侯之禮立當前疾毛居正六經正誤云案  
車上無名疾者說文軌車軾前也从車凡聲周禮曰  
立當前軌音範疑此近是棟謹案禮說云諸侯來朝

行享於廟入大門下車所立之位上公立當車軼侯

伯立當前侯子男立當車衡案侯俗作疾

唐石經及宋本皆同

論語邢昺疏

鄉黨

引周禮作前侯云侯伯立當前侯胡

下入小雅蓼蕭章孔疏引大行人亦作前侯蓋說文

疾作疾古文侯作侯相似易亂故前侯訛為前疾賈

疏不詳莫能辨正俗本流傳誤人久矣又案說文引

周禮作前軌云軌車軼前也詩小戎陰鞿傳云陰揜

軌也孔疏謂以板木橫側車前陰映此軌故謂之陰

考工記軌前十尺謂軌前曲中下垂柱地如人之頸  
故謂之侯侯猶胡也故鄭注訓為胡以其在軌前故  
曰前侯然則陰也侯也胡也皆前軌之名揜軌曰陰  
曲中曰侯下垂曰胡總名為軌當依說文定作軌則  
前衡後軹而軌在其間讀者一見而心目了然矣

凡諸侯之王事注云孟子曰諸侯有王毛氏正誤曰諸  
本皆云孟子曰諸侯有王案孟子無此句小行人注  
引春秋傳曰宋公不王又曰諸侯有王王有巡守此

注是也棟案藝文志孟子十一篇趙臺卿題辭云著

書七篇又有外書四篇性善辯文說孝經為正其文

不能宏深不與內篇相似外篇今亡秦漢諸人引孟

子者今孟子皆無之

見王伯厚攷證

鄭氏所引安知不在外

篇乎毛說未是

劉昌詩云新喻謝氏多藏古書有性善辯一帙則知與文說孝經為正是

謂四篇然則孟子迨書宋時猶有存者唐時尚未亡也

小行人云令諸侯春入貢秋獻功注云秋獻功若今計  
文書斷於九月其舊法盧植曰計斷九月因秦以十

月為正故

劉昭注補

司儀問君客再拜對君問大夫客對君勞客客再拜稽首注云問君曰君不恙乎對曰使臣之來寡君命臣於庭問大夫曰二三子不恙乎對曰寡君命使臣於庭二三子皆在勞客曰道路悠遠客甚勞勞介則曰二三子甚勞王伯厚曰此亦見說苑鄭氏所述蓋古禮也賈疏云未知所出何文或云是孔子聘問之辭棟案襄廿七年春秋傳曰仲尼使舉是禮也以為

多文辭服虔云以其多文辭故特舉而用之後世謂之孔氏聘辭此書漢時猶存故鄭引之或說非無據也

行夫居於其國則掌行人之勞辱事焉使則介之注云使謂大小行人也故書曰夷使鄭司農云夷使使於四夷玄謂夷發聲案此則夷使猶焉使也晉語云焉作爰田焉作州兵淮南子云天子焉始乘舟禮記云故先王焉為之立制又云焉使倍之公羊傳云比

金一十人  
卷八  
託始焉爾又云吾將焉致乎魯國皆訓為於篆文焉  
於相似故於亦作焉焉使者言於行人之使則為之  
介劉氏音焉為夷非也或以焉屬上句九誤

考工記作舟以行水注云故書舟作周鄭司農云周  
當為舟隸法周作用又作舟舟作舟或作舟字本相  
類謹案詩說云大東舟人之子鄭曰舟當作周案集  
古錄庚父敦銘有伯庶父作王姑舟尊敦或謂舟為  
丹又以為井董廣川以為朱鮪集字舟為古文周字

汗簡云朱  
育集字

顧瑩王釋亦引詩為証又史伯碩父鼎銘  
亦有王母舟母四十二字則舟即為周舟人之子即  
上文西人之子也詩以舟為周考工以周為舟義並  
通

輪人以其園之防捐其數鄭司農云數讀為蜂數之  
數謂轂空壺中也案說文曰標車轂中空也从木杲  
聲讀若藪然則藪本作標讀為數也

參分其輻之長而殺其一注云殺衰小之也案殺猶衰



也

見儀禮注

衰亦訓小春秋傳云其周德之衰乎注云衰

小也小猶殺也

輶人大車之輶摯注云摯輶也案摯本軒輶字或作

輶見淮南子或作輶見儀禮注既夕云志矢一乘輶

輶中廬人注云反覆猶軒輶也軒輶猶軒輶毛詩如

輶如軒傳云輶摯也

張有復古編云輶抵也从車執別作輶非

輶欲頌典注云頌典堅乃貌鄭司農云頌讀為輶典讀

為殄駟車之輶率尺所一縛輶典似謂此棟案殄古

文腴字腴善也尺許一束一翰五束故為善也毛詩  
籩簠不殄箋殄當為腴燕禮不腴之酒注云古文腴  
作殄

終日馳騁左不捷注云書捷或作券玄謂券今倦字也  
說文券勞也漢涼州刺史魏君碑云施舍不券是券  
與倦同毛居正六經正誤云券契字皆从刀古者刻  
木為之故从刀从力者古倦字考工記輶人左不券  
是也

冶氏案周有函冶氏為齊大公置良劍見戰國策高誘注曰函姓冶官名也因以為氏知鑄劍曉鐵理能相

劍

鮑人云察其線欲其藏也注云故書線或作綜杜子春云綜當為系旁泉讀為緹謂縫革之縷說文綫縷也古文作線線與綜相似漢書功臣表云不絕如綫晉灼曰綫今線縷字以線為今文未之攷也

韞人為韞陶穹者三之一鄭司農云穹讀為志無空邪

之空案弟子職云志無虛邪或古本虛作空故讀从  
之古穹與空同韓詩白駒云在彼穹谷

文選注

今詩穹

作空

薛君曰穹  
谷深谷也

玉人天子用全上公用龍侯用璚伯用將注云玉多  
則重石多則輕公侯四玉一石伯子男三玉二石說文  
曰全純玉也龍四玉一石也璚三玉二石也將說文  
作埴埴玉石半相埴棟案鄭氏之說本逸禮王度記  
引見白虎通許氏之說蓋本賈逵逵作周官解故許从之

受學故說文多依其說

矢人凡相筭欲生而搏生謂材生也古謂初取之材為生管子曰棟生橈韓非子曰涂濡而椽生皆謂初取之材也生而搏者燥則直是良材也

梓人為飲器勺一升爵一升觚三升趙明誠曰大觀中雖之昌樂丹水峴得爵及觚二器以觚量之適容三

爵與攷工記合鄭氏據韓詩以為觚當作解

七經小傳云一

獻而三酬者獻以一升酬以三升也并而計之為四升四升為豆豆雖非飲器其計數則然此劉氏欲闢

鄭氏改豆為斗之說案文云爵一升觥三升一獻而三酬適合一斗之數故鄭云豆當為斗如劉氏之說常云一獻而一酬乃合一豆之數

廬人炙諸牆注云炙謂柱也釋文云炙音救討也音樹炙說文引作久云从後炙之象人兩脰後有距也案既夕云木桁久之注云久當為炙士喪禮云幕用疏久之注云久讀為炙謂之蓋塞其口下注云以柱兩牆之間輓而內之與儀禮久之同義是久為古文

炙為今文也

炙從火久聲  
古文省火

車人為未庇長尺有一寸鄭司農云庇讀為其額有疵  
之疵謂未下岐疏云俗人謂額額之上有疵病故讀  
從之棟謂其額有疵當在孟子今書疵作泚或先鄭  
所據本與趙氏異耳賈疏失之

弓人蓄栗不弛注云栗讀為裂繻之裂毛詩東山曰  
烝在栗薪箋云栗析也古者聲栗裂同也

九經古義卷八

欽定四庫全書

經部

九經古義卷九

十一

詳校官監察御史

臣施朝幹

給事中臣溫常綬覆勘

總校官庶吉士

臣何思鈞

校對官助教

臣蔡鎮

謄錄監生

臣胡曉春



欽定四庫全書

九經古義卷九

長洲惠棟撰

儀禮古義

士冠禮旅占注云古文旅作臚案周禮司儀旅擯先鄭  
曰旅讀為旅於泰山之旅後鄭云旅讀為鴻臚之臚  
陳之也班固述贊曰大夫臚貳侯伯僭時鄭德云臚  
岱季氏旅於大山是也顏監曰旅陳也臚亦陳也臚  
旅聲相近其義一耳禹貢曰蔡蒙旅平傳云祭山曰

旅韋昭音盧盧籀文臚周書謚法曰惟三月既生魄  
周公旦大師望相嗣王發既賦憲受臚于牧之野臚  
即旅也

兄弟畢袵玄注云袵同也玄者玄衣玄裳也古文袵為  
均棟案袵玄即漢之衽衽司馬彪輿服志云郊祀之  
服皆以衽玄淮南子云尸祝衽衽高誘曰衽純服衽  
墨齋衣也篆書袵與衽相似古文作均故左氏僖五  
年傳云均服振振祭服上下皆玄故謂之衽玄戎事

上下同服故謂之均服

服虔注左傳以均服為黑服月令曰乘玄路鄭注云令月

令曰乘軫路似當為衿字之誤是鄭意亦以衿為玄

將冠者采衣紒注云紒結髮古文紒為結廣雅曰髮結也曹憲曰案說文即籀文髻字也古髻字皆作結漢有假結安箇結大手結周禮注結作紒俗作髻

主人酬賓束帛儷皮注云儷皮兩鹿皮也古文儷為離說文云麗旅行也鹿之性見食急則必旅行从鹿麗聲禮麗皮納聘蓋鹿皮也譙周古史考云伏犧制嫁

娶以麗皮為禮古文作離者易離彖云離者麗也禮月令云宿離不貸注云離讀如儷偶之儷兩鹿皮者士昏禮注云儷兩也春秋傳云鳥獸猶不失儷是儷為兩也

再醮攝酒注云攝猶整也整酒謂撓之漢書匈奴傳云單于以徑路刀金留犁撓酒應劭曰撓和也鄭以攝酒有攪撓之事故舉漢法以明之

眉壽萬年注云古文眉作𡵓大戴禮王言云孔子愀然

揚麋盧辨注云麋一作眉荀卿子非相云伊尹之狀

面無須麋楊倞云麋與眉同漢書皆以麋為眉

歐陽公集

古錄云漢故北海相景君碑有云不永麋壽全家集錄三代古器銘有云眉壽者皆為麋壽蓋古字簡少通用至漢猶然也

永受胡福注云胡猶遐也遠也案詩隰桑云心乎愛矣

遐不謂矣禮記引此詩遐作瑕鄭注云瑕之言胡也

遐胡互訓古音通

詩言胡考周禮謚法彌年壽考曰胡

令月吉日昭告爾字爰字孔嘉髦士攸宜釋文云字叶

音滋案虞書鳥獸孽尾史記作字微郭忠恕汗簡云  
古文尚書字作孽是字本有滋音母容協也

記母追夏后氏之道也注云母發聲也追猶堆也案追  
古堆字枚乘七發曰踰岸出追李善曰追亦堆字今  
為追古字假借之也說文云阜小阜也徐鉉曰今俗  
作堆河東風陵堆戴延之謂之風堆

以官爵人德之殺也注云殺猶衰也繫上曰古之聰明  
睿知神武而不殺者夫虞翻注云乾坤坎離反復不

衰亦讀殺為衰淮南說山云上有三衰下有九殺衰音近殺故云殺猶衰也棟案衰猶差也荀卿子云相地而衰政注衰差也九章算術謂差分為衰分說林云大小之衰然注云衰差也春秋傳云遲速衰序又云其周德之衰乎注云衰小也小猶殺也彼此互訓文王世子云親親之殺也注云殺差也是差與衰同

士昏禮鄭目錄云日入三商為昏賈疏云商謂商量是漏刻之名故三光靈曜亦日入三刻為昏不盡為明

孔氏詩正義云尚書緯謂刻為商然則三光靈曜當  
作考靈曜漢三神鑑銘曰吾作明鏡幽鍊三商蓋本  
書緯

皇舅某子曰知錄云士昏禮皇舅某子此或謚或字之  
稱與聘禮皇考某子同疏以為若張子李子婦人內  
夫家豈有稱其舅為張子李子者哉案經云婦執笄  
菜祝帥婦以入祝告稱婦之姓曰某氏來婦敢奠嘉  
菜於皇舅某子張稷若儀禮節解云疏之意或以婦



新入門稱姓以告故亦以姓稱其舅春秋傳云男女  
辨姓其此之謂

記父醮子命之辭曰荀子云禮父南鄉而立子北鄉而  
跪醮而命之

勗帥以敬先妣之嗣荀子云隆帥以敬先妣之嗣案文  
隆訓盛義亦通鄭注儀禮作勗者當由避殤帝諱改  
隆為勗如毛詩隆衝為臨衝郡國志隆慮為臨慮之  
類荀子亦以隆  
慮為臨慮漢時經學皆受之師時君之諱隨時

改易隨文釋之非復故書之義許叔重說文解字每載上諱不更箋釋亦此例也上文贊啓會注云今文啓為開既夕請啓期同賈公彥云高堂生所傳者為今文案生為漢初人不應為景帝諱明經師相傳遂為故實非盡高堂之舊也

視諸衿鞶注云視乃正字今文作示俗誤行之曲禮曰幼子常視無誑注云視今之示字詩鹿鳴曰視民不佻箋云視古示字也古文春秋傳皆以視為示賈公

彥曰古文字少眼目視瞻與以物示人皆作視字棟  
案示本神祇字古視瞻之視皆作眡周禮說文皆同  
啟母廟石闕銘云昭  
眠後昆以眡為示鄭所據古文儀禮知視為古示  
字郭忠恕撰佩觿以鄭氏此說大與說文石經相乖  
竊所未喻

士相見禮衆皆若是注云今文衆為終易雜卦云大有  
衆也荀爽本衆作終史記五帝紀云怙終賊刑徐廣  
曰終一作衆春秋傳有魯大夫衆仲明堂月令云衆

雨蚤降釋草云樂貫衆皆讀為終仙人韓終亦作韓衆古衆字皆作終音

鄉飲酒禮衆賓辯有脯醢注云今文辯皆作徧古辯徧通用史記曰辯于羣神今尚書作徧春秋傳云子言辯舍爵於季氏之廟杜氏云辨徧也荀子脩身篇云徧善之度注云徧讀為辨韓詩外傳云君子有辨善之度古徧字皆作辯司馬遷從孔安國問故遷書多古文春秋傳多古字古言故皆以辯為徧

鄉射禮云司射

乃比衆耦辨注云衆賓射者降  
比之耦乃偏是鄭亦以辨為偏

尊者降席東南面注云尊者謂此鄉之人仕至大夫者

也今文遵為僕或為全

論語云異乎三子者之撰鄭注云撰讀為詮詮之言善也

禮記冠儀曰介僕象陰陽也注云古文禮僕皆作遵

又少儀僕爵注云僕或作駟

本亦作駟

古文禮僕作遵

鄉射

禮注云謂之尊者方以禮樂化民欲其遵法之也

公如大夫入注云如讀若今之若周禮旅師職云而用

之以質齋致民注云而讀為若聲之誤也棟案古而

與如通如猶若也故如而或讀為若鄭以為聲之誤則古讀而如若也

主人釋服注云古文釋作舍大射儀云獲而未釋獲注曰古文釋為舍周禮大胥職云春入學舍菜注云舍即釋也占夢職云乃舍萌于四方注云舍讀為釋舍萌猶釋菜也古書釋菜釋奠多作舍字

鄉射禮不貫不釋注云古文貫作關棟案呂氏春秋云中關而止謂關弓弦正半而止即儀禮所謂不貫也

貫與關古今通史記伍子胥傳云伍胥貫弓執矢嚮

使者注云貫烏還反後漢祭彤傳能貫三百斤弓司

馬貞曰滿張弓一云貫謂上弦也

古串與患通又讀為貫故古文患作

悶从心  
關省聲

箭籌八十長尺有握握素注云握本所持處也素謂刊

之也握本以作膚張稷若節解曰握本以作膚以字

疑誤別本刊本一作膚亦費解或刊本一讀義屬上向

一作膚指握字有作膚者四指曰膚與握義同握四

指即四寸籌長尺四寸其四寸則刊之使白也愚謂  
案文當云握本或作膚張氏以為刊本一讀屬上句  
非也

唯君有射於國中注云古文有作又汗簡云古文尚書

有作又石鼓戊文

一作甲文

云瀦瀦又魚董道曰又通作

有秦惠王詛楚文云又秦嗣王義作有古文又又作  
有周易繫辭曰履信思乎順又以尚賢也鄭氏易又  
作有詩長發云有虔秉鉞箋云有之言又也內則云



凡養老五帝憲三王有乞言注云有讀為又戰國策公子他謂趙王曰今又案兵劉錢本又作有說文云有者不宜有也从月又聲春秋傳曰日有食之

燕禮云更爵注云古文更為受

大射儀同

周禮巾車云歲時

受讀杜子春云受當為更春秋昭廿九年傳云以更豕韋之後史記更作受知古文更字皆為受

升騰觚於賓注云騰送也讀或為揚揚舉也今文騰皆作騰檀弓下篇云杜蕢洗而揚解注云禮揚作騰

宋本

作騰揚舉也。騰送也。揚近得之。

升。勝觶於公。注云：此當言勝解酬之禮，皆用解言。觶者

字之誤也。古者解字或作角，旁氏由此誤。爾上經云：

主人坐奠觶與篚。注云：古文觶皆為解。又云：主人拜

受。

受字當作送

解。注云：今文解作觶。說文曰：觶，禮經解。漢

書高帝紀云：上奉玉卮，應劭曰：飲酒禮器也。古以角作

受。四升。

韓詩說云：三升曰解，四升曰角。大射儀云：侍射者降洗角。解疏云：角解以兕角為之，非謂

四升曰角者也。

古卮字作觥。鄭氏駁五經異義曰：解，角旁氏

汝潁之間師讀所作今禮角旁單古書或作角旁著  
氏則是與觚相涉學者多聞觚寡聞觥寫此書亂之  
而作觥耳

對曰寡君君之私也注云私謂獨受恩厚也棟謂私猶  
屬也若邾滕之於齊宋故叔孫豹云邾滕人之私也  
上介致辭謙言屬國

大射儀云西階之西頌磬東面注云言成功曰頌西為  
陰中萬物之所成古文頌為庸鄭氏尚書云笙庸以

間注云西方之樂謂之庸庸功也西方物孰有成功亦謂之頌頌亦是頌其成也

綴諸箭注云箭篠也古文箭作晉周禮大行人云揚州其利金錫竹箭注云故書箭為晉杜子春曰晉當為

箭書亦或為箭

古讀晉如箭故  
搢紳亦作薦紳

且左還注云古文且為阻棟案古鐘鼎文祖字皆作且如祖乙卣盃和鐘文王命禱鼎師毀敦皆然尚書黎民阻飢今文作祖飢徐廣曰祖始也孟康曰古文言

阻古文祖作且且阻同字故儀禮尚書皆作阻

奏鯉首注云鯉首逸詩曾孫也鯉之言不來也漢書郊

祀志云周靈王即位時諸侯莫朝周襄王迺明鬼神

事設射不來不來者諸侯之不來朝者也封禪書云

設射鯉首徐廣曰鯉一名不來棟謹案禮說云不來

反為鯉猶并夾為箭終葵為推邾婁為鄒勃鞞為披

周伯琦云鄒古邾婁國壽夢為乘不可為巨羊舌職說苑作

外傳勃鞞內傳作披羊殖舌職為殖也顧孫師後世反切之學出之此鯉之子為申祥額孫為申也

首之詩與祭侯之辭皆言諸侯來朝之禮不來者不  
寧侯故抗而射之然則萇弘行古禮說者謂依物怪

以致諸侯妄矣

康成詩譜云射禮天子以騶虞諸侯以狸首大夫以采蘋士以采芣為節

今無狸首周衰諸侯並僭而去孔子錄詩不得熊氏經說云狸首之詩古人以為射節小戴射儀所記

詩曰曾孫侯氏四正具舉大夫君子凡以庶士小大莫處御于君所以燕以射則燕則饗此狸首之詩也

大戴投壺篇所記上章本同而前一句曾孫侯氏為數句隔斷恐秦射張侯等語本以解說侯氏因亂入

正文爾下文又換韻曰弓既平張四侯且良決拾有常既順乃讓乃揖乃讓乃臍其堂乃節其行既志乃

張此亦狸首之詩也劉原父七經小傳云或曰狸首鵲巢也篆文狸似鵲首似巢鵲巢之詩御之將之

成之此亦  
附會之過

九經古義卷九



欽定四庫全書

九經古義卷十

長洲惠棟撰

儀禮古義

聘禮云管人布幕於寢門外注云管猶館也古文管作官今文布作敷易隨初九云官有渝蜀才本官作館穆天子傳云官人陳牲義作館

及廟門公揖入立於中庭棟案立讀為位周禮小宗伯之職掌建國之神位注云故書位作立鄭司農云立

讀為位古者立位同字古文春秋經公即位為公即  
立史記周本紀云武王既入立于社南今周書克殷  
解文也案其文云王入即位于社是立字當作位也  
古鐘鼎文如周毛父敦銘及盂和鍾立字釋者皆訓  
為位又周邠敦銘云毛伯內門立中庭周戡敦銘云  
蘇公入右戡立中庭北鄉韋弘嗣許叔重皆云列中  
庭之左右曰位明立字亦當作位釋者仍訓為本字  
非也

賓進訝注云今文訝為梧公食大夫禮云上介受賓幣  
從者訝受皮注云今文曰梧受既夕若無器則梧受  
之注云謂對相授疏云梧即逆也對面相逢受案梧  
本作梧訓為逆訝亦逆也既夕注不疊古文明古文  
訝亦有作梧也

漢書司馬遷傳贊云或有抵梧如淳  
曰梧讀曰迂戰國策樓梧亦作樓梧

歸饗饌五牢注云今文歸或為饋案古文論語如詠而  
饋饋孔子豚魯論皆作歸士虞禮注云饋猶歸也

車秉有五簋注云簋讀若不數之數今文簋或為逾下

記曰十六斗曰簋注云今江淮之間量名有為簋者  
今文簋為匱包咸論語注云十六斗曰庾庾即匱也  
古文作簋

醲黍清皆兩壺注云醲白酒也凡酒稻為上黍次之粱  
次之皆有清白以黍間清白者互相備明三酒六壺  
也漢律曰稻米一斗得酒一斗為上尊稷米一斗得  
酒一斗為中尊粟米一斗得酒一斗為下尊顏師古  
曰稷即粟也中尊者宜為黍米不當言稷蓋据此注

而言邢昺曰稷粟一物而本草稷米在下品別有粟米在中品又似二物故先儒甚疑焉

侑幣注云古文侑皆作宥案春秋傳侑皆作宥又周禮三宥管子作三侑古字通用

記云百名以上書於策不及百名書於方注云名書文也今謂之字策簡也方板也疏云鄭作論語序云易詩書禮樂春秋策皆尺二寸孝經謙半之論語八寸策者三分居一又謙焉是其策之長短鄭注尚書三

十字一簡之文服虔注左氏云古文篆書一簡八字

是一簡容字多少者

篆當作笑  
板當作版

問幾月之資注云資行用也古文資作齋周禮外府云  
財用之幣齋先鄭云齋或為資今禮家定齋作資後  
鄭云玄謂齋資同耳其字以齊次為聲從貝變易古  
字亦多或作資

公食大夫禮云宰夫設黍稷六簋於俎西注云古文簋  
皆作軌周禮小史云叙昭穆之俎簋注云故書簋或

為几鄭司農云几讀為軌古文也易損卦云二簋可用享蜀才本簋作軌從古文

覲禮云侯氏降階東北面再拜稽首擯者延之曰升注

云從後詔禮曰延延進也案漢舊儀云丞相御史大

夫初拜皇帝延登親詔登猶升也

書逸嘉禾篇曰周公奉鬯立于阼階

延登贊曰假王蒞政勤和天下此關中古文與覲禮擯者延升合假讀為格正也

四享皆束帛加璧注云四當為三古書作三四或皆積

畫此篇又多四字字相似由此誤也鄭志答趙商曰

古三四積畫說文曰三籀文四賈公彥云古書作三  
四之字或皆積畫者堯典云帝曰咨三岳臯陶云外  
薄三海泰誓序云作泰誓三篇是古書三四皆積畫  
也春秋傳子革云是四國者專足畏也劉光伯規過  
云楚語云今吾城三國無四國也炫謂古四字積畫  
四當為三

大史是右注云古文是為氏曲禮曰五官之長曰伯是  
職方注云是或為氏漢書云造父後有非子玄孫氏



為莊公顏監云氏與是同韓勅修孔廟後碑以於氏  
為於是漢末有是儀亦作氏陳承祚撰魏志以為孔  
文舉改氏為是殊不知營陵是姓順帝前已見於碑  
見洪适何至漢季始改氏為是乎當時以是氏兩字  
本通故或稱氏或稱是非有異義王裒不識蕃皮陳  
壽不辨是氏古字古音皆亡於晉惜哉

士喪禮云陳襲事於房中西領南上不綰注云綰讀為  
絳絳屈也江沔之間謂縈收繩索為絳古文綰皆為

精說文云絳紆未縈繩讀若旌案孟郁修堯廟碑精字作旌與古音合釋文音絳為側庚反非也

布巾環幅不鑿注云古文環作還案古環字皆作還春秋傳云諸侯之師還鄭而南又哀三年傳云道還公宮公羊傳云以地還之也又云師還齊侯漢書食貨志云還廬樹桑皆讀為環

決用正王棘注云世俗謂王棘砒鼠言王棘可以砒鼠也砒古磔字史記李斯列傳云十公主砒死於杜張

守節云砒音貯格反司馬貞曰砒音宅與磔同古今  
字異耳司馬公類篇云王棘一名砒鼠劉昌宗音砒  
為托皆失之

磔鼠見  
張湯傳

竹笏注云今文笏作忽案說文無笏字注今文當作古  
文傳寫之誤古笏字本作忽鄭氏尚書曰予欲聞六  
律五聲八音在治忽注云忽者臣見君所秉書思對  
命者也穆天子傳曰帔帶摺忽郭璞曰忽長三尺杼  
上推頭一名珽亦謂之大圭从曰勿聲六書正譌云

目呼骨切俗作笏非說文曰𠂔出氣詞也从曰象氣  
出形春秋傳有鄭大子𠂔說文又云𠂔籀文作𠂔一  
曰佩也象形𠂔又與忽通故儀禮一作忽是也今治  
忽字古皆作𠂔論語仲忽古今人表作仲𠂔揚雄甘  
泉賦云翕赫𠂔霍河東賦云𧈧𠂔如神師古曰𠂔讀  
與忽同

設決麗于擊注云古文擊作挽案擊依字當作擊傳寫  
之誤說文曰擊手擊从手取聲漢書郊祀志云海

燕齊之間莫不搯擊游俠傳云搯擊而游談高誘呂覽注云擊讀如棧挽之挽古文作挽春秋傳云拔衛侯之手及挽史記樊於期偏袒搯挽左傳史記多古文故皆作挽俗作腕非也

冪用疏布久之注云久讀為灸謂以蓋塞鬲口也既夕曰木桁久之注云久當為灸說文云久从後灸之象人兩脰復有距也周禮曰久諸牆以觀其撓今考工記作灸諸牆當是後鄭所易

纂莫用功布注云古文莫為尊案古尊字作𣎵與莫相  
似故譌从之莫从丌讀若箕莫从升讀若拱

四髣去蹄注云髣解也今文髣為剔案剔與髣同大雅  
抑詩云用遏蠻方魯頌泮水云狄彼東南箋云遏狄  
皆當作剔韓詩云髣彼東南蓋从古文

筮人許諾不述命注云古文述皆作術術與述古今字  
毛詩日月云報我不述韓詩作術祭義術省注云術  
當為述聲之誤也

既夕云設披注云披輅柳棺上貫結於戴人君旁牽之以備傾今文披皆為藩案披从手皮聲古音皮與藩同藩又藩通故今文披作藩聲之誤也辨見詩攷

記云御以蒲葢注云蒲葢牡蒲莖也古文葢作駟疏云案宣十二年楚熊負羈囚知瑩知莊子以其族反之厨武子御每射抽矢葢納諸厨武子之房杜注云葢好箭又云厨子怒曰非子之求而蒲之愛注云蒲楊柳可以為箭古文葢作駟者漢書鼂錯傳云錯上兵

事云材官騶發矢道同的如淳曰騶矢也顏監曰騶  
謂矢之善者也春秋左氏傳作敢字其音同耳騶發  
騶矢以射也手工矢善故中則同的是敢與騶同也  
士虞禮記云明日以其班祔注云班次也古文班或為  
辨辨氏姓或然今文為胖棟案古辨字或讀為班故  
古文班亦作辨史記五帝紀云辨于羣神徐廣曰辨  
音班漢書王莽傳云辨社諸侯師古曰辨讀為班春  
秋傳襄廿五年云男女以班賂晉侯此今文也哀元



年云蔡人男女以班此古文也說見劉光伯規過今  
文為胖者鄭注王制云類之為言班也類與胖字雖  
異而義同是胖猶班也

暮而小祥注云古文暮皆作基案堯母碑暮字亦作基  
中月而禫注云自喪至中凡二十七月古文禫或為導  
說文曰𠂔古文𠂔讀若三年導服之導又木部榱字  
下所讀同棟案導服即禫服从古文故曰導則是𠂔  
與榱皆讀為禫近有妄人作字書名正字通斥許君

說為妄是未讀儀禮

喪服記云禭而肉無哭者注云禭或皆作道

特牲饋食禮云主婦視饔饔於西堂下注云炊黍稷曰饔古文饔作糒周禮作饔說文曰饔酒食也或作饔从熙或作糒从米

主人左執角再拜稽首受復位詩懷之注云詩猶承也謂奉納之懷中詩正義云內則說負子之禮云詩負之注云詩之言承也春秋說題辭云詩之為言志也詩緯含神霧云詩者持也然則詩有三訓

有司云二手執挑七枋以挹渚注云挑謂之歆讀如或  
春或抗之抗字或作挑者秦人語也今文挑作抗疏  
云讀从詩或春或抗彼注抗抒曰也案今毛詩生民  
云或春或揄毛傳云揄抒曰也不作抗者周禮地官  
女春抗二人注云女奴能春與抗者抗抒曰也詩云  
或春或抗董氏引韓詩揄作抗鄭先通韓詩故讀从  
之說文云𠂔抒曰也从爪曰詩云或簸當作春或𠂔或  
作抗从手从宀或作𠂔从白宀案詩釋文云揄說文

作自自訓又與揄同明籛當作春姚令威謂後人改  
自為蹂則是宋時說文已誤春為籛矣

九經古義卷十

欽定四庫全書

九經古義卷十一

長洲惠棟撰

禮記古義

曲禮云若不得謝注云謝猶聽也棟案謝猶去位也說文謝辭去也楚辭大招云青春受讞王逸云讞去也讞一作謝史記蔡澤謂范雎云夫四時之序成功者去今時有代謝之語蓋本於楚辭顧炎武訓謝為序案招魂云若必筮予之恐後之謝不能復用巫陽焉

注亦云謝去也若訓為序不合事理

戰國策云靖郭君七日謝病強

辭不得三

日而聽

拾級聚足注云拾當為涉聲之誤也案周書嘗麥云王

涉階故讀从之

涉階猶歷階也

毋勦說注云勦由孽也

今本由作猶

曹憲曰勦說之勦當从

刀左傳焉用築城以勦民乃从力訓為勞

跪而遷屨注云遷或為還公羊春秋云宋人遷宿傳云

遷者何以地還之也遷與還義得通故或為還

離坐離立毋往參焉注云離兩也離與麗

俗作麗

同故訓

為兩

說見儀禮

周書武順曰人有中曰參無中曰兩

戰國策犀

首與張儀參坐

於衛君之側

笑不至矧注云齒本曰矧大笑則見倉頡篇云斷齒根

也與鄭異釋文云矧本又作哂說文云笑不壞顏曰

攷从欠引省聲張有復古編曰攷古哂字

禮不諱嫌名注云嫌名謂聲相近若禹與雨丘與區也

釋文云丘與區並去求反非也古丘字皆讀為區故

鄭云聲相近毛詩丘與詩協左傳丘與旗協戰國策  
齊嬰兒謠曰大冠若箕脩劍拄頤攻狄不能下壘枯  
丘荀卿子曰言之信者在乎區蓋之間漢儒林傳作  
丘蓋顏籀匡謬正俗曰今江淮田野之人猶謂區為  
丘亦古之遺音也

左右攘辟注云攘卻也或者攘古讓字漢書禮樂志云  
隆雅頌之聲盛揖攘之容師古曰攘古讓字

廣韻云  
攘文字

揖歸云  
揖攘



入里必式注云不誣十室正義云論語云十室之邑必  
有忠信如丘者焉是不誣十室棟案荀子大略篇云  
禹見耕者耦立而式過十室之邑必下大戴禮亦云  
禹過十室之邑則下為秉德之士存焉故云不誣十  
室

畛於鬼神注云畛致也畛或為祇張揖埤倉曰眡告也  
禮記曰眡於鬼神玉篇引是祇當作眡爾疋云畛告也

天子之五官云云注云此亦殷時制也史記周本紀云

古公乃貶戎狄之俗作五官有司故鄭據以為說  
問大夫之富曰有宰食力力當為加壞字也晉語曰庶  
人食力官宰食加加加田也周禮司勲加田無國征  
劉敞以為無國征者不征於國

四足曰漬注云漬謂相灑汗而死也公羊春秋云莊十  
七年齊人灑于遂傳云灑者何灑漬也鄭注本此  
納女於天子曰備百姓注云姓之言生也天子皇后以  
下百二十人廣子姓也吳語曰越行成於吳曰一介

嫡女執箕箒以暎姓於王宮韋昭曰暎備也姓庶姓也時越以王禮尊吳故云暎姓說文曰姓人所生也古之神聖母感天而生子故稱天子从女从生生亦聲春秋傳云天子因生以賜姓又昭四年傳云問其姓對曰余子長矣漢書田蚡傳跪起如子姓注姓生也

檀弓曰何居我未之前聞也注云居讀為姬姓之姬齊魯之間語助也列子黃帝篇云關尹謂列子曰姬魚

語女張湛曰姬音居魚當作吾棟案左傳誰居之居亦音基孝經及論語皆云居吾語女古人讀居為姬讀吾為魚外傳晉語云暇豫之吾吾不如烏烏韋昭曰吾讀為魚列子因之遂以居為姬吾為魚皆聲之誤也

易繫辭云則居可知矣鄭云居讀為姬

孔氏之不喪出母自子思始也注云記禮所由廢非之淮南子曰孔氏不喪出母此禮之失者

細人之愛也以姑息注云息猶安也言苟容取安也案

呂覽先識篇云周武王告諸侯曰商王大亂沈于酒德辟遠箕子爰近姑與息

子夏喪其子而喪其明注云明目精冀州從事郭君碑云卜商號眇喪子失名或疑借名為明愚案爾足釋訓云猗嗟名今目上為名名在眉睫之間失名者失其珠子也

池視重雷注云如屋之有承雷也承雷以木為之用行水亦宮之飾也今宮中有承雷云以銅為之漢書宣

紀神爵元年詔曰金芝九莖產於函德殿銅池中如  
淳曰銅池承雷也

我喪也斯沾注云斯盡也沾讀曰覘覘視也國昭子自  
謂齊之大家有事人盡視之此解非是斯此也沾薄  
也國子蓋言我母之喪而使婦人從賓位斯為薄矣  
沾訓薄見張揖廣雅俗作添非是曹憲云沾他鑑反  
世人水旁著忝失之又以此占字為霑亦失之鄭氏  
改沾為覘恐未安

人喜則斯陶陶斯咏咏斯猶猶斯舞舞斯愠愠斯戚戚  
斯歎歎斯辟辟斯踊七經小傳云案人舞宜樂不宜  
更愠又不當漸至辟踊此中間有遺文矣蓋本曰人  
喜則斯陶陶斯咏咏斯猶猶斯舞舞斯蹈矣人悲則  
斯愠愠斯戚戚斯歎歎斯辟辟斯踊矣自喜而下五  
變而至蹈自悲而下亦五變而至踊所謂孺子慕者  
也棟謂劉氏之說是矣而以為中間有遺文者非蓋  
衍文也案古本禮記無舞斯愠及注愠猶怒也七字

故陸氏釋文云此喜怒哀樂相對本或於此句上有  
舞斯愠一句并注皆衍文喜則陶以下叙樂之節也  
愠斯戚以下叙哀之節也文自相配不須增入人悲  
則斯愠五字古文文簡而意備非若後世之繁重也  
釋文具在何不以取正之而為是臆說耶

何嗣曰樂終則愠起

則其悞已始於六朝陸氏所據當是晉宋古本

咏斯猶注云猶當為搖聲之誤也搖謂身動搖也秦人  
猶搖聲相近爾疋云絲喜也郭璞曰咏斯猶猶絲也



古今字耳

設萋萋注云萋萋棺之牆飾周禮萋作柳縫人職云衣  
萋柳之材注云柳之言聚諸飾之所聚故書萋柳作  
接櫨鄭司農云接讀為盟櫨讀為柳皆棺飾萋與樓  
通爾足云樓聚也又與樓通莊子達生云死得於豚  
楮之上聚樓之中釋文云謂殯於敢塗萋萋之中荀  
禮論云無帑絲葛樓萋其額以  
象非惟憐尉注云樓讀為柳

衛有大史曰柳莊案古今人表作柳壯師古曰壯讀曰

莊棟案晉語曰趙簡子問於壯馳茲義作莊嚴訢碑

云兆自楚壯即楚莊王也漢諱莊改曰嚴

漢時莊作壯盈作盈

疑皆為避諱而作非正字

夸其宮而豬焉注云豬都也南方謂都為豬尚書大傳

曰遂踐奄踐之者籍之也籍之謂殺其身執其家豬

其宮豬本與都通禹貢大野既豬史記作既都又孟

豬亦為明都

趙文子與叔譽觀乎九原注云叔譽叔向也知叔譽是

叔向者晉語云趙文子與叔向游於九京故知叔譽  
是叔向周書大子晉云晉平公使叔譽于周見大子  
晉而與之言五稱而五窮孔晁云叔譽者大夫叔向  
也春秋時大夫有兩字者如子產一字子美是也

文子其中追

一作退

然如不勝衣注云中身也鄉射記曰

弓二寸以為侯中楚語左執鬼中韋昭曰中身也禮  
曰其中退然

王制西方曰棘注云棘當為棘棘之言偏高誘呂覽注

云楚讀如匍匐之匍

王三又注云又當作宥古侑字作宥見儀禮注古宥字

作有見今文尚書

論衡引

古有字作又宥字作宥見周

伯映彞

肅堂集古錄

又當為宥壞字也

執左道以亂政殺盧植曰左道謂邪道案古左與邪通

子虛賦云邪與肅慎為鄰師古曰邪讀為左漢書引

周書云以左道事君者誅

有圭璧金璋不粥於市皇侃以為用金為印璋案此則

璋字古本作章今從玉旁者非也

月令其器䟽以達注云器䟽者刻鏤之象物當貫土而出也玉篇引云其器疑以達說文云疑通也从攴从足足亦聲大玄經有疑首

還反賞公卿諸侯大夫於朝呂覽反作乃下同或云反當依呂氏作乃案穆天子傳云天子還返還返連文月令是也

命相布德和令後漢禮儀志云立春之日下寬大書曰

制詔三公方春東作敬始慎微動作從之罪非殊死  
且勿案驗皆須麥秋退貪殘進柔良下當用者如故  
事劉昭曰月令命相布德和令蔡邕曰即此詔之謂  
也

孟春天子乃以元日祈穀于上帝乃擇元辰躬耕帝籍

注云元辰蓋郊後吉亥也

俗本作吉辰

正義曰知用亥者

以陰陽式法正月亥為天倉以其耕事故用天倉也  
盧植蔡邕並云郊天是陽故用日耕籍是陰故用辰

元者善也皇氏云正月建寅日月會辰在亥故耕用  
亥也南齊志大學博士劉蔓議禮孟春之日立春  
迎春又於是月以元日祈穀又擇元辰躬耕帝籍盧  
植說禮通辰日日甲至癸也辰子至亥也郊天陽也  
故以日籍田陰也故以辰陰禮卑後必居其末亥者  
辰之末故記稱元辰注曰吉亥又據五行之說木生  
於亥以亥日祭先農又其義也大常丞何譔之議鄭  
注云元辰蓋郊後吉亥也亥水辰也凡在懇稼咸存

灋潤五行說十二辰為六合寅與亥合建寅月東耕  
取月建與日辰合也國子助教桑惠度議尋鄭玄以  
亥為吉辰者陽生於子元起於亥取陽之元以為生  
物亥又為水十月所建百穀賴茲沾潤畢熟也

天子乃鮮羔注云鮮當為獻聲之誤也今呂覽鮮作獻  
故鄭讀从之獻有軒音故云聲之誤

是月也祀不用犧牲用圭璧更皮幣蔡氏章句云此祀  
不用犧牲者祈不用犧牲案春秋傳云祈以幣更故



蔡據為說月令問答曰問者曰仲春令不用犧牲以圭璧更皮幣不用犧牲何也曰是月獻羔以大牢祀高禩宗廟之祭以中月安得用犧牲祈者求之祭也著令者豫設水旱疫癘當禱祈用犧牲者是用之助生養傳祈以幣代牲章因於高禩之事乃造說曰更者刻木代牲如廟有祧更此說自欺極矣經典傳記無刻木代牲之說蓋書有轉誤三豕渡河之類也是月也乃合羃牛騰馬遊牝於牧高誘曰羃牛父牛也是月也

騰馬父馬也皆將羣遊從牝於牧之野風合之服虔  
左氏解誼云牝牡相誘謂之風

淫雨蚤降注云今月令曰衆雨案呂覽亦作淫雨說文  
雨部云霖小雨也从雨衆聲明堂月令曰霖雨職戎  
切鄭所云今月令皆明堂月令也

腐草為螢明堂月令曰腐草為蠋說文云馬蠋也時則  
訓作腐草化為蚺高誘注曰蚺馬蛭一曰螢火

無或差貸案貸依字當作賁古忒字呂覽正作忒易豫

彖云四時不忒京房本作資尚書洪範衍忒史記作

衍資又管子書皆以資為忒今皆讀為二者非

張參五經

文字云貸相承或借為資字是貸與資通又漢張表碑苛忒字作荷恣此其証也

季夏行春令則穀實鮮落案呂覽淮南鮮皆作解

順彼遠方呂覽云巡彼遠方案巡當作循聲之誤也儀

禮注云古文循作順故月令作順高誘淮南注云順

循也鄭氏云順猶服也是讀為馴

養衰老授几杖行糜粥飲食高誘曰陰氣發老年衰故共養

之授其几杖賦行飲食糜粥之惺今之八月比戶賜高年  
鳩杖粉藻是也周禮大羅氏掌獻鳩杖以養老又伊耆氏  
掌共老人之杖王制云凡三王養老皆引年注云引戶校年  
當行復除也續漢書禮儀志云仲秋之月縣道皆案戶比  
民年始七十者授之以王杖鋪之糜粥八九十禮有加賜  
後漢書江革傳云每至歲時縣當案比革以母老不欲搖  
動自在轅中輓車此鄭氏所云引戶校年當行復除是也  
無不務內呂覽內作入內古文入

固封疆注云今月令疆或謂璽案呂覽亦作璽高誘讀  
為移徙之徙

天子乃命將帥講武習射御角力盧植曰角力如漢家  
乘之引闕蹋踰之屬也

水泉咸竭呂覽咸作減春秋傳云咸黜不端正義云諸  
本咸或作減是咸與減通

水澤腹堅釋文云腹本又作複又方服反案呂覽作復  
高誘曰復亦盛也復或作複凍重累也

文王世子問內豎之御者注云御如今小史直日矣外  
傳史黯謂趙簡子曰臣敢煩當日韋昭曰當日直日  
也戰國策云郢之登徒直使高誘曰直當日直使也  
夢帝與我九齡釋文作聆云本或作齡案說文無齡字  
樊毅脩華嶽碑云垂曜萬齡婁壽曰漢碑齡皆作齡  
齡亦借用字下文云古者謂年齡齒亦齡也故字以  
齒未詳當攷廣雅曰齡年也九經攷異云九齡石經  
作矜案漢石經禮記無攷未詳何據  
况于其身以善其君乎注云于讀為迂迂猶廣也大也

案鄭氏論語云子之于也何晏本于作迂盖古字通  
纖刺注云纖讀為殲釋文云纖依注音鉞之林反徐子  
廉反注本或作纖讀為殲者是依徐音而改也案此  
則當云纖讀為鉞故下注訓為刺今文皆从徐音誤  
為殲

告于甸人注云告讀為鞠讀書用法曰鞠

依字當作鞠

正義

云讀書讀囚人之所犯罪狀之書用法謂以法律平  
斷其罪案秋官小司寇讀書用法先鄭云如今讀鞠

已乃論之賈公彥曰鞠謂劾囚之要辭讀已乃行刑  
漢書功臣表云新時侯趙弟坐鞠獄不實如淳曰鞠  
者以其辭決罪也張湯傳云訊鞠論報張晏曰鞠一  
吏為讀狀論其報行也刑法志云遣廷史與郡鞠獄  
如淳曰以囚辭決獄事為鞠謂疑獄也

三老五更注云三老五更各一人皆年老更事致仕者  
也名以三五者取象三辰五星天所因以照明天下  
者又樂記注云三老五更互言之耳皆老人更知三



德五事者也案三老五更諸儒之說各異宋均援神契注云三老老人知天地人事者五更老人知五行更代之事者應劭漢官儀曰三老五更三代所尊也三者道成於天地人老者久也舊也五者訓於五品更者五世長子更更相代言其能以善道改更已也盧植禮記注云選三公老者為三老卿大夫中之老者為五更蔡邕以更字為叟云三老國老也五叟庶老也叟長老之稱又以三老為三人五叟為五人案

蔡集問答云三老五更子獨曰五叟何也曰字誤也  
叟長老之稱其字與更相似書者轉誤遂以為更嫂  
字女旁瘦字从叟今皆以為更矣立字法者不以形  
聲何得以為字以嫂瘦推之知是更為叟也棟案列  
子黃帝篇云禾生子伯宿於田更商丘開之舍注云  
更當作叟然則蔡說不為無據

禮運孔子曰大道之行也與三代之英丘未之逮也而  
有志焉注云志謂識古文

諸侯非問疾弔喪而入諸臣之家是謂君臣相譴荀子  
大略曰君于大夫三問其疾三臨其喪於士一問一  
臨諸侯非問疾弔喪不之臣之家

故聖人耐以天下為一家注云耐古能字傳書世異古

字時有存者則亦有今誤矣樂記注云耐古書能字

也後世變之此獨存焉古以能為三台字

王莽傳云  
三能文馬

是棟案古三台字作能古能字作耐又作而古耐字

作𠂔說文云𠂔罪不至髡也从而多或作耐从寸

諸法度字从寸應劭漢書注云輕罪不至於髡完其

髡鬢

說文曰而頰毛也象毛形周禮曰作其鱗之而

故曰髡古耐字从彡髮

膚之意也杜林以為法度之字皆從寸後改如耐音

若能

孔穎達曰不虧形體猶堪其事故謂之耐

鄭云則亦有今誤者正義


云今書雖存古字為耐亦有誤不安寸直作而字則

易屯彖云利建侯而不寧及劉向說苑能字皆為而

也呂覽正月紀云晉平公問於祁黃羊曰南陽無令

其誰可而為之高誘注云而能為治又士容論云柔

而堅虛而實注而能也淮南子曰轉化推移得之道  
而以少勝多高誘曰而能也能以寡統衆是秦漢之  
書皆以而為能



九經古義卷十一

欽定四庫全書

經部

九經古義卷十三

詳校官監察御史

臣

施嗣幹

給事中臣溫常綬覆勘

總校官庶吉士臣何思鈞

校對官助教臣蔡鎮

謄錄監生臣胡曉春

欽定四庫全書

九經古義卷十二

長洲惠棟撰

禮記古義

禮器次路繁纓七就七當為五古五字如七

見王肅因詩傳

誤為之郊特牲云次路五就注云禮器言次路七就

與此乖字之誤也

大圭不琢注云琢當為篆字之誤也漢書董仲舒傳云

良玉不琢注云琢謂雕刻為文也



晉人將有事於河必先有事於惡池注云惡當為呼聲之誤也呼池嘔夷并州川秦惠王詛楚文云告于不羆大神亞駝亞駝即惡池也亞與惡通詳易古義

配林注云配林林名盧植云配林小山林麓配泰山者也風俗通云配林林樹木之所聚生也今配林在秦

山西南五六里

何休注公羊引作蜚林蜚聲近妃古配字作妃聲之誤也

郊特牲鄉人禡注云禡或為獻或為儻鄭氏論語曰鄉人儻注云十二月命方相氏索室中驅疫鬼魯讀儻

為獻今从古案此則古文論語作鄉人讎魯論語作鄉人獻故此注云或為獻或為讎禮家所傳亦有異

同也

獻讀為莎又讀為義義音莪聲近讎

而流示之禽而鹽諸利注云鹽讀為艷行田示之以禽使歆艷之觀其用命不也棟案古樂府有昔昔鹽三婦鹽亦作艷古字通

內則柔色以溫之注云溫藉也承尊者必和顏色匡謬正俗曰案文當云柔和顏色以溫悅尊者之心不當

改讀為蘊此說非也古溫藉字皆作溫其蘊藻溫蓄之字則从艸溫聲正義云言子事父母當和柔顏色承藉父母若藻藉承玉然斯說得之詩云飲酒溫克

易云藉用白茅皆取和柔之義

詩小宛溫克箋云飲酒雖醉猶能溫藉自

持以勝正義云定本及箋作溫字舒瑗云包裹曰蘊謂藉自持含容之義經中作溫者蓋古字通用經

藉志舒瑗撰

毛詩義疏

三牲用菽注云菽煎菜菹也漢律會稽獻焉說文云漢律會稽獻籩一斗从艸類聲

接以大牢注云接讀為捷捷勝也謂食其母使補虛強

氣也棟案接與捷通故訓為捷鄭氏周易晉卦云晝

日三接注云接勝也

音捷

是讀為捷春秋經云宋萬弑

其君捷賈逵云公羊穀梁曰接

大戴禮官人云九用八曰取接給而廣中

者接給猶捷給也

祇見孺子注云祇敬也或作振古祇振字通史記夏本

紀臯陶述其謀曰日嚴振敬六德今尚書振作祇振

又與震通魯世家周公作無逸云治民震懼今無逸

作祇懼蔡邕石經般庚云今爾惠朕曷祇動萬民以  
遷今盤庚云爾謂朕曷震動萬民以遷祇與振義同  
而音異

案誓云祇復之魯世家肝誓  
云敬復之徐廣云敬一作振

玉藻諸侯茶前詘後直注云茶讀為舒遲之舒舒懦者  
所畏在前也考工弓人云寬緩以茶注云茶古文舒  
假借字鄭司農云茶讀為舒舒徐也

趨以采齊注云齊當為楚薺之薺案詩作楚茨王逸楚  
辭章句引詩云楚楚者蕢其字皆以齊次為聲同物

同音故大戴禮保傳篇云行以采茨趨以肆夏又云  
揚中采茨趨中肆夏鄭从周禮作薺又引楚茨以證  
之明同物也

大夫佩水蒼玉而純組綬注云純當為緇古文緇字或

作絲旁才

絲當作系

周禮媒氏曰入幣純帛無過五兩注

云純實緇字也古緇以才為聲賈公彥曰古之緇有

二種其緇布之緇系旁留後不誤故禮有緇布冠緇

布衣存古字若以絲帛之緇則絲旁才案毛公行露

傳曰昏禮紃帛不過五兩故鄭據為說

學記善待問者如撞鐘墨子曰君子如鐘扣則鳴不扣

則不鳴荀子曰不問而告者謂之傲問一而告二謂

之嘖

朱新仲曰今人謂屢說曰暫蓋嘖字也

傲非也嘖非也君子如嚮

矣如嚮者即繫辭所云問焉而以言其受命也如嚮

是也二說可與善待問者如撞鐘相發明

樂記竹聲濫濫以立會會以聚衆注云濫之意猶擊聚

也會猶聚也聚或為最古最聚通用管子禁藏篇曰

冬收五藏最萬物注最聚也史記殷本紀云大最樂  
戲於沙丘徐廣曰最一作聚又周本紀有周聚徐廣

曰一作最最亦古之聚字

公羊隱元年傳云會猶最也何休云最之為言聚若

今聚民  
為投最

武坐致右憲左注云憲讀為軒聲之誤古憲軒二字音  
相通詩云天之方難無然憲憲毛傳云憲憲猶欣欣  
也欣讀為軒與難合韻鄭注內則云軒讀為憲揚雄  
河東賦云麾城榭邑李奇曰榭音車憶之憶憶从巾



憲聲反復相訓蓋古音通也

內則亦讀  
憲為軒

封帝堯之後於祝注云祝或為鑄周本紀云封黃帝之  
後於祝張守節以為東海祝其縣非也汲郡古文云  
平王三年齊人滅祝此東海縣也古祝鑄同音淮南  
子叙真曰冶工之鑄器高誘曰鑄讀作祝續漢志云  
濟北蛇丘有鑄鄉城劉昭曰周武王未及下車封堯  
後於鑄春秋傳云戚宣叔娶於鑄杜注鑄國濟北蛇  
丘縣所治呂氏春秋慎大覽云武王勝殷入殷未下

舉命封黃帝之後於鑄封帝堯之後於黎封帝舜之  
後於陳高誘曰鑄國名

曲直繁瘠廉肉節奏荀子瘠作省棟案省與肯通肯猶  
瘠也故字亦作瘠尋文義繁省為長

雜記訃於適者

依說文訃  
當作赴

注云適讀為匹敵之敵謂爵

同者也鄭氏論語云無敵也無莫也古文論語敵作  
適荀卿子君子篇云天子四海之內無客禮告無適  
也注云適讀為敵史記范雎傳攻適伐國田單傳適

人開戶李斯傳羣臣百官皆畔不適徐廣皆音征敵之敵是適為古文敵也

注六服皆袍制不禪以素沙裏之如今袿袍襖重繒矣正義云漢時有袿袍其袍下之襖以裏繒為之釋名云婦人以絳作衣裳上下連四起施緣亦曰袍賈公彥曰男子袍既有衣裳今婦人衣裳連則非袍而云袍制者正取衣複不單與袍制同袿袍猶袿衣也鄭注內司服云今世有袿衣者蓋三翟之遺俗釋名曰

婦人上服曰袿其下垂者上廣下狹如刀袿也江充傳云曲裾後垂交輸如淳曰交輸割正幅使一頭狹若燕尾垂之兩旁見於後是禮深衣續袿鉤邊賈逵謂之衣袿亦舉漢法以明之蘇林曰交輸如今新婦袍上袿全幅緇角割續漢志云諸古麗袿袿閨緣加上之服建武永平禁絕之麗袿袿閨緣即袿衣之類袍所以苞內衣故云加上之服皆重緇厚練永平初惟中宮皇太子得服之蓋以儉化俗也釋名曰襜褕

也青絳為之緣玉篇曰襪緣襪緣襪施緣也

諸侯出夫人有司官陳器皿注云器皿其本所齋物也  
律棄妻畀所齋韓非子說林曰衛人嫁其子而教之  
曰必私積聚為人婦而出常也其成居幸也其子因  
私積聚其姑以為多私而出之其子所以反者倍其  
所以嫁妻有三不去一曰有所取無所歸

喪大記君大夫鬻爪實於綠中注云綠當為角聲之誤  
也角中謂棺內四隅也

坊記高宗云三年其惟不言言乃謹注云謹當為歡聲之誤也其既言天下皆歡喜樂其政教也熊朋來經說云坊記言乃謹之注但知有說命之書不知其為無逸之文妄指為謹說之謹不知本文當為雍作釋文正義者從而遂非傳說尤為可恨棟案鄭未嘗以此書為克命之篇此正義之誤鄭氏尚書無逸篇云乃或梁闇三年不言其惟不言言乃雍注云楣謂之梁闇讀如鵠謂廬也其不言之時時有所言則羣

臣皆和諧是鄭非不知無逸之篇謹作雍以記稱高  
宗書序又有高宗之訓此篇已亡何知不在商書而  
猥舉無逸之篇改謹為雍也且馬遷從孔安國問多  
得古文之說其所作魯世家稱無逸云乃有亮闇三  
年不言言乃謹正與坊記所載同古今異文師徒異  
讀必欲執一說以繩之此井鼃夏蟲之見也

吳興張  
顯中復

古編云闇治喪廬也从門音高宗梁闇三年不言何  
謂梁闇伏生書大傳楣謂之梁闇讀如鵠禮喪服四  
制卒哭後翦屏柱楣謂之梁闇晉賈后取妹丈韓壽  
子養之託梁闇所生別作庵非烏舍切又烏紺切

中庸壹戎衣注云戎兵也衣讀如殷聲之誤也齊人言  
殷聲如衣虞夏商周氏者多矣今姓有衣者殷之冑  
與案康誥云壹戎殷故鄭讀从之古依字作𠂔从反  
身殷字从此故讀殷為𠂔聲如依也呂覽慎大篇云  
親鄩如夏高誘曰鄩讀如衣今兗州人謂殷氏皆曰  
衣

治國其如示諸掌乎注云示讀如寘諸河干之寘寘置  
也物而在掌中易為知力者也古寘字多作示易坎



之上六云寘于叢棘劉表寘作示范甯注穀梁引易云繼用徽纆示于叢棘毛詩鹿鳴云示我周行箋云示當作寘

仁者人也注云人也讀如相人偶之人以人意相存問之言案公食大夫禮云賓入三揖注云每曲揖及當碑揖相人偶蓋賓主揖讓互相親偶親親之意亦如之也

老子道經曰如嬰兒之未孩河上公注云如小兒未能答偶人時也

好學近乎知說苑建本篇云中庸曰好問近乎知力行

近乎仁知恥近乎勇漢書公孫弘上書引禮記亦云  
好問近乎知師古曰疑則問之故成其智

表記仁者人也注云人也謂施以人恩也春秋傳曰執  
未有言舍之者此其言舍之何人也正義云施人以  
恩謂意相愛偶人也引春秋傳者成十六年公羊傳  
文傳稱欲人愛此行父故特言舍之引之者證人是  
人偶相存愛之義也

義而順文而靜注云靜或為情古靜與情每相通周書

官人云情忠而寬貌莊而安大戴禮官人情作靜周書又云飾貌者不靜大戴禮作不情

緇衣信以結之則民不倍恭以泣之則民有孫心原缺

禮記孫心作慈棟謂緇衣孫必當作慈猶祭義見間當為覲史記刺齒當為齧孟子正心當為忘皆一字

誤為二字也說文慈順也書曰五品不慈今文尚書

作訓

史記魯世家云宣王伐魯殺其君伯御而問魯公子能道順諸侯者以為魯後徐廣曰順

一作訓張守節云順音訓

古文尚書作慈今孔氏本作孫

衛包又改

作古文亡矣

薛宣尚書作慙

緇衣猶存古字毛居正作正

誤又從而改之益嘆識字之難

訓讀為馴慙解為順順猶馴也義本

殊不

葉公之顧命注云楚縣公葉公子高也臨死遺書曰顧命棟案其辭有莊后大夫卿士非葉公之言也此周書祭公謀父之辭穆王時祭公疾不瘳王曰公其告予懿德祭公拜手稽首曰嗚呼天子女無以嬖御固莊后女無以小謀敗大作女無以嬖御士疾大夫卿士

祭公將歿而作此篇故謂之顧命其事亦見汲冢古

文王伯厚已有是說余特表而出之

此傳寫之誤非傳禮之誤二禮

如明堂位文王官人皆采自周書王氏以為傳禮之誤非也

故君子寡言而行以成其信注云寡當為顧聲之誤也

釋文云寡音顧出注棟案寡當音鼓尚書微子云我

不顧行遯徐仙民云顧音鼓商詩韋顧既伐古今人

表作韋鼓顧有鼓音與寡聲近故鄭氏云聲之誤

三年問故先王焉為之立中制節棟案焉於也呂氏月

令曰天子焉始乘舟高誘曰焉猶於此

高注淮南外云焉於也

傳晉語曰焉作轅田焉作州兵皆訓為於言於是始

作轅田州兵也荀子焉作安楊倞曰安語助猶言抑

也或作安或作案荀子多用此字禮記三年問作焉

戰國策謂趙王曰秦與韓為上交禍案移於梁矣

今戰

國策案作安

秦與梁為上交秦禍案攘於趙矣呂氏春秋

吳起謂商文曰今置質為臣其主安重釋璽辭官其

主安輕蓋當時人通以安為語助或方言耳

投壺籌室中五扶堂上七扶庭中九扶注云籌矢也輔

四指曰扶

韓非子云上失扶寸下得尋常注云四指為扶

一指按寸春秋傳

曰膚寸而合鄭知扶與膚同者尚書大傳云五嶽皆

觸石出雲扶寸而合不崇

毛萇詩傳云崇終也

朝而雨天下彼

注云四指為扶音膚書傳所載與公羊同而其字作

扶故扶為膚何休云側手為膚按指為寸

玉篇引公羊傳云扶

寸而合廣韻同又引注云側手曰扶案指曰寸是古本公羊膚皆作扶

儒行其飲食不溲注云恣滋味為溲溲之言欲也案歸

藏易需卦之需作溥見胡氏啟蒙周易象云君子以  
飲食宴樂溥音辱春秋傳云辱必求之吾助子請服  
虔解誼云辱欲也

大學致知在格物文選注倉頡篇云格量度之也量度  
事物致知之道也

此之謂自謙注云謙讀為慊慊之言厭也詩湛露云厭  
厭夜飲傳云厭厭安也安靜之意故書本作謙鄭讀  
為慊今集注本直作慊字非也

鄭下注命也之命讀  
為慢朱子从之仍依



本字訓為慢此熟字  
亦當依本字訓為熟

射義古者天子之制諸侯歲獻貢士於天子注云歲獻

獻國事之書及計偕物也

漢書元光五年徵吏民有明當世之務習先聖之術

者縣次續食令與計偕蓋取法三代因歲獻而貢士之意三歲而貢士舊說云大

國三次國二人小國一人何休注公羊云禮諸侯

三年一貢士於天子天子命與諸侯輔助為政所以

通賢共治示不獨專重民之至大國舉三次國舉

二人小國舉一人



九經古義卷十二

欽定四庫全書

九經古義卷十三

長洲惠棟撰

公羊古義

公羊有嚴顏二家蔡邕石經所定者嚴氏春秋也何邵公所注者顏氏春秋也何以知之以石經知之石經載公羊云桓公二年顏氏有所見異辭所聞異辭云云是嚴氏春秋已見於隱元年於此不復發傳也今何本有之又云卅年顏氏言君出則已入此僖三十年傳也又

云顏氏無伐而不言園者非取邑之辭也今何氏本亦無以此知何所注者蓋顏氏春秋也鄭康成注三禮引隱五年傳云登戾之又引桓十一年傳云遷鄭焉而鄆留又引隱二年傳放於此字與石經同與何氏異蓋所據者嚴氏本也藝文志云公羊顏氏記十一篇後漢張伯饒又減定為二十萬言顏氏說經以襄公廿一年之後孔子生訖即為所見之世又以為十四日日食周王為天囚之類倍經違戾皆何邵公所不取

康成六藝論云治公羊者胡毋生董仲舒董仲舒弟子  
羸公羸公弟子眭孟眭孟弟子莊彭祖及顏安樂安樂  
弟子陰豐儒林傳作冷豐劉向本傳不載王彥無攷劉子政從顏公孫  
受公羊春秋本傳不載然封事多用公羊說

閔因叙云昔孔子受端門之命制春秋之義使子夏等  
十四人求周史記得百二十國寶書九月經立感精符  
考異郵說題辭具有其文沈文阿云嚴氏春秋引觀周  
篇云孔子將修春秋與左丘明乘如周觀書於周史歸

而修春秋之經丘明為之傳共為表裏周禮小史掌邦國之志先鄭云春秋傳所謂周志國語所謂鄭書之屬外史掌四方之志後鄭云謂若魯之春秋晉之乘楚檮杌墨子明鬼篇有周春秋

韋昭注國語引之

燕春秋宋春秋齊

春秋何氏莊七年注云古者謂史記為春秋其言百二十國寶書者案唐虞萬國殷三千

見周書

周千七百有七

十三春秋以下兼國多矣故魯大夫對孟孫曰禹合諸侯執玉帛者萬國今其存者無數十焉

公羊疏問曰今經止有五十餘

國通戎夷宿潞之屬僅有六十然當時外史之所掌尚有百二十國故墨子亦云吾見百國春秋是也

六藝論云春秋者國史所記人君動作之事左史所記為春秋右史所記為尚書是以玉藻云動則左史書之言則右史書之鄭注云其書春秋尚書具存者記文先言左史鄭注先言春秋明以左史為春秋矣周書史記篇云維正月王在成周昧爽召三公左史戎夫乃取遂事之要戒俾戎夫言之汲郡古文亦云穆王廿四年命



左史戎夫作記

古今人表云  
右史戎夫

然則左史所記為尚書是

以荀悅申鑒云古者天子諸侯有事必告於廟朝有二

史左史記言右史書事事為春秋言為尚書

禮記正義  
引六藝論

云右史記事  
左史記言

先儒皆據玉藻之文以春秋屬左史尚書

屬右史熊安期禮記義疏云按周禮大史之職云大師

抱天時與大師同車又襄廿五年傳曰大史書曰崔杼

弑其君是大史記動作之事在君左廂記事則大史為

左史也案周禮內史掌王之八枋其職云凡命諸侯及

孤卿大夫則策命之僖廿八年傳曰內史叔興父策命  
晉侯為侯伯是皆言誥之事是內史所掌在君之右故  
為右史是以酒誥云矧大史友內史友鄭注大史內史  
掌記言記行是內史記言大史記行也此論正法若其  
有闕則得交相攝代故洛誥史佚命周公伯禽服虔注  
文十五年傳云史佚周成王太史襄廿年鄭使大史命  
伯石為卿皆大史主爵命以內史闕故也

以上皆  
熊說

蔡邕公羊石經隱十年下云此公子翬也云云又哀十

有四年下云何以書記異也云云皆無經文案孔穎達詩正義云漢初為傳訓者皆與經別行三傳之文不與經連故石經書公羊皆無經文是也

隱元年傳云會猶最也注云最之為言聚若今聚民為投最古最聚通見禮記古義

如勿與而已矣注云如即不如齊人語也

惠公者何隱之考也注云生稱父死稱考入廟稱禰

疏云

舊說云禰字示旁爾言雖可入廟是神示猶自最近于已故曰禰

郭景純注爾雅云

禮記曰生曰父母死曰考妣

說文云妣  
歿母也

今世學者從

之案尚書大傷厥考心事厥考厥長聽聽祖考之彛

訓如喪考妣公羊傳曰惠公者何隱公之考也仲子

者何桓之母也倉頡篇曰考妣延年明此死生之異稱

矣

顧寧人云古人曰父曰考一也自檀弓定為生  
曰父死曰考之稱而為人子者當有所諱矣

王者據土與諸侯分職俱南面而治有不純臣之義故

異姓謂之伯舅叔舅同姓謂之伯父叔父許叔重五

經異義云公羊說諸侯不純臣左氏說諸侯者天子

蕃衛純臣謹案禮王者所不純臣者謂彼人為臣皆非已德所及易曰利建侯侯者王所親建純臣也玄之聞也

已下鄭駁

賓者敵主人之稱而禮諸侯見天子稱

之曰賓不純臣諸侯之明文矣是鄭據周禮大行人以為不純臣之證與何氏合

白虎通云王者不純臣諸侯何尊重之以其列

土傳子孫世世稱君南面而治凡不臣異朝則迎之於著觀則侍之於阼階升降自西階為庭燎設九賓享禮而後歸是異於衆臣也

二年傳始滅昉於此乎注云昉適也齊人語疏云胡毋

生齊人故知之若鄭譜云然則詩之道放於此乎之  
類棟案五年傳云始僭諸公昉於此乎蔡邕石經公  
羊昉作放鄭康成注考工記云旒讀如放於此乎之  
放是漢時公羊昉皆作放

三年傳云其稱尹氏何貶曷為貶譏世卿世卿非禮也  
宣十年齊崔氏傳同五經異義卿得世云今春秋公  
羊穀梁說云卿大夫世位則權并一姓妨塞賢路事  
政犯君故經譏周尹氏齊崔氏是也而古春秋左氏

說卿大夫皆得世祿不得世位父為大夫死子得食其故采地而讀為如有賢才則復升父故位故傳曰官

有世功則有官族謹案易交位三為三公二為卿大

夫曰食舊德食舊德謂食父故祿也尚書云古我先

王暨乃祖乃父胥及佚勤予不敢動用非罰世選爾

勞予不絕

今尚書作奔俗本作掩

爾善論語曰興滅國繼絕世

國謂諸侯世謂卿大夫詩云凡周之士不顯亦世孟子曰文王之治岐也仕者世祿知周制世祿也从左

氏義鄭氏亦云尚書世選爾勞詩刺幽王絕功臣之

世然則興滅繼絕王者之常世卿之文其義何在傳當

云世祿禮也世卿非禮也三傳之說未甚牴牾詰訓者失之

四年傳石碣立之蔡石經碣作踏案說文無碣字當从石經作踏潛夫論云石氏衛公族

五年傳登來之也注云登讀言得來得來之者齊人語也齊人名求得為得來作登來者其言大而急由口授也案禮記大學云一人貪戾鄭注云戾之言利也



春秋傳曰登戾之正義云以來為戾與公羊本不同  
下傳云百金之魚公張之

注云百金猶百萬古者以金重一斤若今萬錢矣

則登戾之說信矣

百金之魚公張之注云百金猶百萬也古者以金重一  
斤若今萬錢矣食貨志云漢興更令民鑄莢錢黃金  
一斤如淳曰時以錢為貨黃金一斤直萬錢食貨志  
又云米至石萬錢馬至匹百金薛瓚曰秦以一溢為  
一金漢以一斤為一金一斤為萬錢則百金為百萬

錢矣何注與如薛二說皆合而司馬貞索隱取瓚注

而非如說蓋未之攷也

顏遊秦漢書注云一金萬錢見平準書注戰國策云公孫

開使人操十金而往卜於市高誘曰二十兩為一金又云趙王封蘇秦為武安君黃金萬溢高誘曰萬溢

萬金也二十兩為一溢

經初獻六羽注云羽者鴻也所以象文德之風化疾也

五經異義云公羊說樂萬舞以鴻羽取其勁輕一舉

千里詩毛說萬以翟羽韓詩說以夷狄大鳥羽謹案

詩云右手秉翟爾雅說翟鳥名雉屬也知翟羽舞也

經六年春鄭人來輸平傳云輸平者何輸平猶墮成也  
何言乎墮成敗其成也左傳作渝平云更成也服虔  
曰公為鄭所獲釋而不結平於是更為約束以結之  
故曰渝平平猶成也成猶盟也桓元年傳云渝盟無  
享國秦晉為盟成而不結宋及楚平傳載盟辭渝盟  
猶渝成也渝成猶渝平也公與鄭絕鄭來渝平隱不  
享國桓莊結成以隱為辭則渝平不得為成明矣秦  
誓文云

即詛  
楚文

變輸盟刺廣雅曰輸更也渝與輸同

朱

云輸亦訓墮故左氏謂之更成公羊謂之墮成其義

一耳

孫復以輸平為輸誠尤誤劉原父以更成為非从公羊改渝為輸蓋未攷字義

八年經公及莒人盟于包來釋文云包來左氏作浮來古浮包字同秦有儒生浮丘伯見漢書楚元王傳而鹽鐵論作包丘子蓋古音通也

十有一年傳何隱爾弑也蔡邕石經弑作試白虎通引

春秋讖曰弑者試也欲言臣子殺其君父

殺音試釋文云弑从

式殺从殳不同君父言弑積漸之名臣子云殺卑賤之意字多亂故時復音之不敢卒候間

司事可稍稍弑之荀卿子議兵曰傳曰威厲而不試  
刑措而不用鹽鐵論曰威厲而不殺殺音試古音同  
桓三年齊侯衛侯胥命于蒲荀子大畧篇曰春秋善胥  
命而詩非屢盟其心一也

四年有年朱新仲曰有年大有年桓宣時也有者不宜  
有二公行事不宜有此皆貶也春秋二百四十二年  
之間豈止此二三年豐熟哉以是知二公不宜有此  
也昭元年秦后子奔晉云云國無道而年穀和熟天

贊之也與此意合

六年經蔡人殺陳陀傳云淫於蔡蔡人殺之注云蔡稱人者與使得討之猶律文立子姦母見乃得殺之也疏云猶言對子姦母也

八年注云天子之牲角握諸侯角尺卿大夫索牛疏云皆指祭宗廟之牲也襄元年左氏傳云蔡人賂夙沙衛以索馬牛杜氏云索簡擇好者周禮牛人祭祀共求牛求牛猶索牛也

十一年傳云古者鄭國處於留先鄭伯有善于鄆公者  
通乎夫人以取其國而遷鄭焉而野留案鄆公者鄆  
仲也夫人者叔妘也周語富辰曰鄆之亡也由叔妘  
注云鄆妘姓之國叔妘同姓之女為鄆夫人鄭語史  
伯云子男之國號鄆為大號叔恃勢鄆仲恃險君若  
以周難之故寄帑與賄焉無不克矣寄帑與賄故得  
通於夫人而取其國康成發墨守云鄭始封君曰桓  
公者周宣王之母弟國在宗周畿內今京兆鄭縣是

也桓公生武公武公生莊公遷居東周畿內國在虢  
郛之間今河南新鄭是也武公生莊公因其國焉留  
乃在陳宋之東

左傳侵宋呂留後漢彭城有留縣張良所封

鄭受封至此

適三世安得古者鄭國處於留祭仲將往省留之事  
乎愚案桓公寄帑與賄于虢郛及十邑幽王之亂東  
京不守當有處留之事其後滅虢郛十邑而居新鄭  
則以留為邊鄙當在武公之時故云古者鄭國又云  
先鄭伯公羊之言正與外傳合鄭氏不攷而驟非之



過矣

莊四年傳九世猶可以復讎乎雖百世可也五經異義  
曰公羊說復百世之讎古周禮說復讎可盡五世之  
內五世之外施之於已則無義施之於彼則無罪謹  
案魯桓公為齊襄公所殺其子莊公與齊桓公會春  
秋不譏又定公是魯桓公九世孫孔子相定公與齊  
會于夾谷是不復百世之讎也从周禮說

七年傳不修春秋曰雨星不及地尺而復王伯厚云晉

語司馬侯曰羊舌肸習於春秋楚語申叔時曰教之  
春秋皆在孔子前所謂乘櫓杙也魯之春秋韓起所  
見所云不修春秋也

八年經甲午祠兵五經異義曰公羊說甲午祠兵師出  
曰祠兵入曰振旅祠者祠五兵矛戟劍楯弓鼓及祠  
蚩尤之造兵者左氏說甲午治兵為授兵于廟謹案  
三朝記曰蚩尤庶人之強者何兵之能造立之聞也  
以下祠兵者公羊字之誤以治為祠因而作說之於  
鄭駁

周司馬職曰仲夏教殺舍仲秋教治兵其下皆云如戰之陳仲冬教大閱修戰法虞人萊所田之野乃為之如是治兵之屬皆習戰非授兵于廟又無祠五兵之禮

鄭以公羊祠當為治故詩采芑箋引此傳直作治

夏師及齊師圍成傳云成者盛也盛則曷為謂之成諱滅同姓也案成本盛國成與盛通故釋名云成盛也穆天子傳云盛姬盛伯之子郭璞云盛國名文十二年盛伯來奔是盛國伯爵二傳皆作邴僖廿四年左

氏傳云管蔡邲霍文之昭也是盛為姬姓故穆天子傳云天子賜盛伯為上姬之長邲後為魯邑昭七年左氏傳云晉人來治杞田季孫將以成與之說文云邲魯孟氏邑是邲與成一也故此傳云諱滅同姓郡國志云濟北成縣本國成舊屬泰山郡地理志泰山有式縣式當作成

十年注云律一人有數罪以重者論之案昭卅一年傳與此同蓋漢律也史記李斯傳云具斯五刑漢書刑

法志云漢興之初尚有夷三族之令令曰當三族者皆先黥劓斬左右趾笞殺之梟其首菹其骨肉於市其誹謗詈詛者又先斷舌故謂之具五刑彭越韓信之屬皆受此誅暴秦之為禍也烈矣高后元年乃除三族罪祇言令尚書甫刑傳子張曰堯舜之主二人刑而天下治何則教成而愛深也一夫而被此五刑子龍子曰未可謂能為書康成注云二人俱罪呂侯之說刑也被此五刑俞犯數罪也孔氏曰不然也

五刑有此教注云教然耳數罪猶以上一罪刑之此與漢律一人數罪以重者論之同義

十有二年傳閔公矜此婦人妬其言顧曰此虜也爾虜

焉故

句

魯侯之美惡乎至董仲舒春秋繁露云此虜

也爾虜焉知魯侯之美惡乎致萬怒搏閔公絕脰韓

詩外傳引此云閔公矜此婦人妬其言顧曰爾虜焉

知魯侯之美惡乎

何氏以爾虜焉故為句注云女嘗執虜於魯侯故稱譽爾又云魯侯

之美惡乎至注云惡乎至猶何所至意極迂回

十有七年經鄭瞻自齊逃來傳云何以書書甚佞也曰

佞人來矣佞人來矣案甚佞猶孔壬也爾疋釋言云

孔甚也釋詁云壬佞也虞書云何畏乎巧言令色孔

壬孔氏傳訓為甚佞佞讀為年

天王殺其弟年夫左傳作佞夫

故國

語與人誦曰佞之見佞果喪其田佞與田協故讀為

年年讀為壬

說文邾从邑年聲讀若寧又年以禾千聲千與年同音

田讀為陳

故甚佞謂之孔壬

後人疑孔壬之說遂以為共工名其妄如此王逸天問注云康回共

工名齊田謂之齊陳既同物又同音是之謂古訓

訓讀

為訓

廿三年經公如齊觀社鄭氏六經奧論云公如齊觀社  
左氏曰非禮也公羊曰盖以觀齊女也穀梁曰非常  
曰觀觀無事之辭也案墨子曰燕之祖齊之社稷宋  
之桑林男女之所聚而觀之也則觀社之義公羊為  
長以上皆鄭氏說棟案左傳襄廿四年云齊社蒐軍實使客  
觀之外傳云夫齊棄大公之法而觀民于社然則觀  
社非古也故左氏以為非禮



廿四年傳戎將侵曹曹羈諫曰君請弗自敵也春秋繁  
露曰曹羈曰戎衆以無義君無自適君不聽果死戎  
寇棟案適讀為敵古文也禮記雜記注云適讀為匹  
敵之敵荀卿子云天子四海之內無客禮告無適也  
注云適讀為敵史記范雎傳攻適伐國田單傳適人  
開戶李斯傳羣臣百官皆畔不適徐廣皆音征敵之  
敵董氏所據公羊依古本以適為敵

卅年傳子司馬子曰蓋以操之為已盛矣注云操迫也

已甚也。盛痛也。迫殺之甚痛。攷工記云。凡察車之道。不微至。無以為戚速也。康成云。齊人有名疾為戚者。春秋傳曰。蓋以操之為已盛矣。疏云。鄭氏以盛為疾。與何別非也。古盛戚同音。詩小明云。曷云其還政事。愈盛歲聿云莫。采蕭穫菽。心之憂矣。自貽伊戚。是戚讀為盛。公羊作盛。故訓為痛。戚有盛音。故訓為疾。

卅有一年。經築臺於郎。注云。禮天子有靈臺。以候天地。諸侯有時臺。以候四時。五經異義云。公羊說天子有

三臺諸侯二天子有靈臺所以觀天文有時臺以觀  
四時施化有囿臺所以觀鳥獸魚鼈諸侯當有時臺  
囿臺諸侯不得觀天文無靈臺皆在國之東南二  
十五里東南少陽用事萬物著見用二十五里吉行  
五十里朝行暮反也

卅二年傳未踰年之君也有子則廟廟則書葬無子不  
廟不廟則不書葬五經異義云春秋公羊說云未踰  
年君有子則書葬立廟無子則不書葬恩無所錄也

左氏說云臣之奉君悉心盡恩不得錄君父有子則為立廟無子則廢也或議曰

缺文案禮云臣

不殤君子

不殤父君無子而不為立廟是背義棄禮罪之大者也玄之聞也

以下鄭駁

未踰年君者魯子般子惡是也皆

不稱公書卒弗諡不成於君也廟者當序於昭穆不成於君則何廟之立凡無廟者為壇祭之近漢諸幼小之帝尚皆不立廟而祭於陵云罪之重者此何故不罪殤者十九向下未踰年之君未必未冠引殤欲

以何明也蔡邕云見孝孺孝沖孝質皇帝以幼弱在位未踰年不列於廟大尉司徒分視三陵皆宗廟典制也

閔元年傳注云律親親得相首匿漢書地節四年詔曰父子之親夫婦之道天性也雖有患禍猶蒙死而存之誠愛結於心仁厚之至也豈能違之哉自今子首匿父母妻匿夫孫匿大父母皆勿坐其父母匿子夫匿妻大父母匿孫罪殊死皆上請廷尉以聞

僖四年傳古者周公東征則西國怨西征則東國怨注  
云此道黜陟之時也詩云周公東征四國是皇白虎  
通云傳曰周公入為三公出為二伯中分天下出黜  
陟詩曰周公東征四國是皇言東征述職周公黜陟  
而天下皆正也經典無西征之文荀卿子王制篇曰  
周原本作  
用誤公南征而北國怨曰何獨不來也東征而  
西國怨曰何獨後我也呂氏春秋古樂篇云成王立  
殷民反王命周公踐伐之商人服象為虐於東夷周

公遂以師逐之至於江南乃為三象以嘉其德此南  
征之文也

十年傳踊為文公諱也注云踊豫也齊人語若關西言  
渾矣

十有四年傳曷為城杞滅也孰滅之蓋徐莒脅之注云  
言脅者杞王者之後尤微是見恐曷而亡

曷火案恐  
葛反

曷即漢律恐獨也陳羣新律序曰盜律有恐獨漢書  
王子侯表曰葛魁侯戚坐縛家吏恐獨受賕棄市平

城侯禮坐恐獨取難免承鄉侯德天坐恐獨國人受  
財臧五百以上免籍陽侯顯坐恐獨國民取財物免  
師古曰獨者謂以威力脅人也音呼葛反

戰國策云  
恫疑虛獨

高誘云獨  
喘息懼貌

十有六年傳賈石記聞聞其碩然視之則石察之則五

楊士勲云碩字說文玉篇字林等無其字學士多讀

為碑

公羊釋文云本  
或作碑八耕反

據公羊古本並為碩字張揖讀

為碩是石聲之類不知出何書也



十有九年傳盖叩其鼻以血社也棟案血當為𩺰壞字也穀梁作𩺰社山海經云祈𩺰用魚郭璞云以血塗祭為𩺰也公羊傳云盖叩其鼻以𩺰社音釣𩺰之𩺰禮說曰以牲告神欲神聽之曰𩺰盖兼取腓脛故耳从血用祈神聽故𩺰从申

卅有三年傳宰上之木拱矣注云宰冢也列子孔子曰望其墳宰如也墳如也鬲如也注云宰冢也穀梁云

子之冢

木已拱矣



九經古義卷十三